

Bosna i Hercegovina  
Federacija Bosne i Hercegovine  
**KANTON SARAJEVO**  
**MINISTARSTVO KULTURE I SPORTA**  
Broj: 12-11-13457/24  
Sarajevo, 18.03.2024. godine

Na osnovu člana 23. Zakona o Vladi Kantona Sarajevo ("Službene novine Kantona Sarajevo", br. 36/14 – Novi prečišćeni tekst i 37/14 - ispravka), članova 14. i 15. Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj 22/21 i 13/22), Pravilnika o procedurama i kriterijima za izbor korisnika sredstava tekućih transfera Ministarstva kulture i sporta Kantona Sarajevo za oblast kulture i umjetnosti („Službene novine Kantona Sarajevo“, broj 08/24), i Odluke Vlade Kantona Sarajevo o usvajanju Programa utroška sredstava s kriterijima raspodjele tekućih transfera utvrđenih Budžetom Kantona Sarajevo Ministarstva kulture i sporta za 2024. godinu, broj: 02-04-7734-19/24 od 07.03.2024. godine, Ministarstvo kulture i sporta Kantona Sarajevo, objavljuje

**JAVNI POZIV**  
**za predlaganje projekata kulture radi sufinansiranja**  
**iz sredstava Ministarstva kulture i sporta**  
**Kantona Sarajevo za 2024. godinu**

**1. PRAVO PRIJAVE**

**1.A. Pravo prijave za dodjelu sredstava za sufinansiranje projekata iz kulture imaju:**

- 1.1. Udruženja,
- 1.2. Fondacije,
- 1.3. Državne institucije kulture sa sjedištem na području Kantona Sarajevo,
- 1.4. Druga pravna lica registrovana za djelatnosti kulture i umjetnosti,
- 1.5. Pojedinici – umjetnici – kulturni stvaraoci.

**1.B. Pravo prijave za dodjelu sredstava za sufinansiranje projekata iz kulture nemaju:**

- 1.1. Kantonalne javne ustanove koje imaju poziciju u Budžetu Kantona Sarajevo,
- 1.2. Pravna lica osnovana radi sticanja profita, izuzev subjekata iz tačke 1.4,
- 1.3. Pravna lica sa sjedištem izvan Kantona Sarajevo i pojedinci sa prebivalištem izvan Kantona Sarajevo, osim ukoliko je njihov projekat od interesa za Kanton Sarajevo ili se njihov projekat realizuje na području Kantona Sarajevo,
- 1.4. Lice ovlašteno za zastupanje ili voditelj aktivnosti/programa projekta protiv kojeg se vodi krivični postupak ili je pravosnažno osuđen za prekršaj i/ili počinjenje krivičnog djela,
- 1.5. Udruženja, fondacije i organizacije osnovane u periodu od godinu dana prije objavljivanja Javnog poziva za sufinansiranje programa projekata u kulturi,
- 1.6. Udruženja, fondacije, pravna lica i pojedinci koji su u sukobu interesa,
- 1.7. Udruženja, fondacije, pravna lica i pojedinci koji nisu ispunili ugovorene obaveze ili opravdali finansijska sredstva odobrena iz Budžeta Ministarstva kulture i sporta Kantona Sarajevo po ranijim javnim pozivima Ministarstva kulture i sporta Kantona Sarajevo.

## **2. OPĆI I POSEBNI KRITERIJI**

### **2.A. Opći kriteriji:**

- 2.1. Registracija udruženja, fondacije ili organizacije za dodjelu sredstava, odnosno adresa, matični broj i broj lične karte za pojedince i otvoren račun u poslovnoj banci;
- 2.2. Realizacija projekata podnosioca zahtjeva iz tačke 1.A i 1.B3 koji su od interesa za građane Kantona ili doprinose razvoju i afirmaciji Kantona i provode se na području Kantona;
- 2.3. Ekonomska ili društvena opravdanost projekta koje podnosilac zahtjeva predlaže i sprovodi;
- 2.4. Izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu);
- 2.5. Finansijski izvještaj kompletnog projekta o utrošku sredstava odobrenih u prethodnoj godini, uključujući i sredstva Ministarstva kulture i sporta;
- 2.6. Organiziranost i broj članova udruženja;
- 2.7. Broj lica koji učestvuju u realizaciji projekta;
- 2.8. Specifičnost potreba članova udruženja, odnosno populacije koju zastupaju;
- 2.9. Rezultati i uspjesi na kantonalnom, federalnom, državnom i međunarodnom nivou, odnosno broj korisnika obuhvaćenih projektom.

### **2.B. Posebni kriteriji:**

- 2.1. Podsticanje stvaralaštva u oblasti kulture;
- 2.2. Uključenje što većeg broja mladih;
- 2.3. Doprinos ukupnom razvoju kulture;
- 2.4. Afirmacija kulturnog naslijeđa;
- 2.5. Podrška mladim kulturnim stvaraocima;
- 2.6. Podsticaj i afirmacija kulturnog stvaralaštva, historijskog, graditeljskog odnosno materijalnog i nematerijalnog naslijeđa nacionalnih manjina;
- 2.7. Podsticaj uspostavljanju i jačanju međusobne komunikacije u oblasti kulture i kulturnog naslijeđa među nevladinim organizacijama i institucijama raznih segmenata djelovanja u ovoj oblasti i/ili međukantonalnu, međunarodnu saradnju u navedenim oblastima;
- 2.8. Ravnomjerna zastupljenost svih oblasti kulturnog i umjetničkog stvaralaštva;
- 2.9. Kvalitet programa ili projekata, potvrđen status i značaj;
- 2.10. Doprinos promociji i afirmaciji bosanskohercegovačke kulture i kulturnih identiteta;
- 2.11. Interes kulturne javnosti;
- 2.12. Funkcionalna i ekonomska opravdanost;
- 2.13. Afirmacija reproduktivnog i autorskog stvaralaštva;
- 2.14. Broj učesnika i širina prostora djelovanja;
- 2.15. Održivost i kontinuitet kandidiranih projekata i programa i programi i projekti koji svojim kontinuitetom predstavljaju kulturni identitet sredine u kojoj se realizira;
- 2.16. Nastavak realizacije započetih projekata;
- 2.17. Projekti i programi koji su profilirani na stvaranje visokih estetskih vrijednosti iz svih oblasti kulturnog i umjetničkog stvaralaštva od značaja za Kanton Sarajevo, Federaciju BiH i BiH;
- 2.18. Programi i projekti koji čuvaju i promovišu tradiciju i kulturu naroda u Bosni i Hercegovini iz svih oblasti kulturnog i umjetničkog stvaralaštva;
- 2.19. Programi i projekti koji potiču i obogaćuju umjetničko stvaralaštvo;
- 2.20. Programi i projekti koji promovišu kvalitetnu i novu inicijativu za obogaćivanje kulturnih sadržaja u pojedinim sredinama.

### **3. Potrebna dokumentacija za prijavu projekta za udruženja, fondacije, državne institucije kulture sa sjedištem na području Kantona Sarajevo, druga pravna lica (iz tačke 1.4.):**

- 3.1. Popunjen „Obrazac Ministarstva kulture i sporta Kantona Sarajevo za prijavu projekta iz kulture za finansiranje/sufinansiranje iz Budžeta Kantona Sarajevo” (Obrazac 12-11-JPK-1) - *(original)*;
- 3.2. Potpisana „Izjava odgovornog lica podnosioca prijave“ i ovjerena kod nadležne općinske službe *(original)*;
- 3.3. Potpisana „Izjava da se protiv podnosioca prijave, odnosno lica ovlaštenih za zastupanje i voditelja aktivnosti/programa/projekta ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prijestup“ i ovjerena kod nadležne općinske službe (Izjava o neosuđivanju – web stranica MKS KS) *(original)*;
- 3.4. Izvadak iz registra udruženja - ne starije od šest (6) mjeseci (udruženja, fondacije i organizacije osnovane u periodu od godinu dana prije objavljivanja Javnog poziva za sufinansiranje programa projekata u kulturi ne mogu biti kategorisane) *(original ili ovjerena kopija)*;
- 3.5. Uvjerenje o poreskoj registraciji – identifikacioni broj za pravno lice *(original ili ovjerena kopija)*;
- 3.6. Rješenje o razvrstavanju – klasifikacija djelatnosti *(original ili ovjerena kopija)*;
- 3.7. Potvrda poslovne banke da račun nije blokiran iz koje se vidi broj transakcijskog računa - ne starija od tri (3) mjeseca od dana objave javnog poziva *(original ili ovjerena kopija)*;
- 3.8. Detaljno razrađen prijedlog projekta koji se kandiduje za dodjelu sredstava sa detaljnom specifikacijom troškova (ne duži od 5 strana) *(original)*;
- 3.9. Zapisnik sa sjednice nadležnog tijela (Skupština, Upravni odbor) na kojoj su usvojeni izvještaj o radu sa finansijskim izvještajem za prethodnu godinu i plan i program rada sa finansijskim planom za tekuću godinu *(original ili ovjerena kopija)*;
- 3.10. Uvjerenje Porezne uprave o izmirenim poreskim obavezama u kojem se navodi da poresni obveznik nema duga po osnovu javnih prihoda *(original ili ovjerena kopija)*;
- 3.11. Bilans stanja i bilans uspjeha ovjeren od strane nadležne poreske uprave za prethodnu godinu sa vidljivim pečatom Financijsko/finansijsko informatičke agencije (FIA) *(original ili ovjerena kopija)*;
- 3.12. Uz projekte izdavačke djelatnosti potrebno je dostaviti jednu relevantnu potpisanu recenziju i predračun štamparske kuće;
- 3.13. Za projekte/programe koji se izvode u školama dostaviti pisanu saglasnost direktora škole ili resornog Ministarstva;
- 3.14. Za organizovanje izložbe potrebno je dostaviti potvrdu galerije ili drugog izložbenog prostora da je isti slobodan u periodu predviđenog održavanja izložbe;
- 3.15. Rezultati i uspjesi na kantonalnom, federalnom, državnom i međunarodnom nivou (ukoliko ima).

### **4. Potrebna dokumentacija za prijavu projekta za pojedince - umjetnike - kulturne stvaraocce:**

- 4.1. Popunjen „Obrazac Ministarstva kulture i sporta Kantona Sarajevo za prijavu projekta iz kulture za finansiranje/sufinansiranje/ iz budžeta Kantona Sarajevo” (Obrazac 12-11-JPK-2) - *(original)*;
- 4.2. Potpisana „Izjava podnosioca prijave“ i ovjerena kod nadležne općinske službe *(original)*;
- 4.3. Potpisana „Izjava da se protiv podnosioca prijave ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prijestup“ i ovjerena kod nadležne općinske službe (Izjava o neosuđivanju – web stranica MKS KS) *(original)*;
- 4.4. Izvod iz matične knjige rođenih *(original ili ovjerena kopija)*;
- 4.5. Potvrda poslovne banke da račun nije blokiran iz koje se vidi broj transakcijskog računa - ne starija od tri (3) mjeseca od dana objave javnog poziva *(original ili ovjerena kopija)*;

- 4.6. Obrazloženje projekta koji se kandiduje za dodjelu sredstava sa detaljnom specifikacijom troškova (ne duži od 5 strana) (*original*);
- 4.7. Uz projekte izdavačke djelatnosti potrebno je dostaviti jednu relevantnu potpisanu recenziju i predračun štamparske kuće u visini naknade za štampanje;
- 4.8. Za projekte/programme koji se izvode u školama dostaviti pisanu saglasnost direktora škole ili resornog Ministarstva;
- 4.9. Za organizovanje izložbe potrebno je dostaviti potvrdu galerije ili drugog izložbenog prostora da je isti slobodan u periodu predviđenog održavanja izložbe;
- 4.10. Rezultati i uspjesi na kantonalnom, federalnom, državnom i međunarodnom nivou (ukoliko ima).
5. Aplikanti su dužni najkasnije sedam (7) dana prije održavanja programa, putem mail adrese Ministarstva (mks@mks.ks.gov.ba) dostaviti prethodnu informaciju o održavanju programa kulture sa osnovnim podacima: naziv programa, mjesto i vrijeme održavanja programa, učesnici programa i satnica, radi objave na web stranici Ministarstva.
6. Kulturno-umjetnička društva će se sufinansirati isključivo putem svoje asocijacije.

## **7 – ZAJEDNIČKE ODREDBE**

### **7.1. Ograničenja korištenja sredstava:**

- 7.1.1. Aplikanti mogu konkurisati sa najviše dva projekta po ovom Javnom pozivu.
- 7.1.2. Ministarstvo nije u obavezi da finansijski podrži prijavljeni projektni prijedlog.
- 7.1.3. Konferencije, seminari, okrugli stolovi i radionice mogu biti podržani isključivo kao aktivnost u sklopu projekta a ne kao samostalni projekat i mogu iznositi najviše 20% od ukupno odobrenog budžeta.
- 7.1.4. Odobrena sredstva za sufinansiranje projekta/aktivnosti ne mogu se doznacavati drugim udruženjima i fondacijama ukoliko se ne vidi i ne opravda njihova namjena utroška (fiskalnim računima).
- 7.1.5. Sredstva dodijeljena za sufinansiranje projekata u oblasti kulture ne mogu se realizirati za nabavku osnovnih sredstava i servisne usluge (usluge krečenja, održavanja i sl.).
- 7.1.6. Odobrena sredstva se ne mogu koristiti za isplate sklopljenih ugovora sa pojedincima, članovima - članicama udruženja/fondacija/organizacija, članovima - članicama upravljačkih struktura udruženja/fondacija/organizacija i uposlenicima po bilo kojem osnovu u iznosu većem od 30% odobrenih sredstava.
- 7.1.7. Odobrena sredstva se ne mogu koristiti za isplate administrativnih troškova (struja, voda, prijevoz, telefon, mobitel, fax, poštanski troškovi i sl.) u iznosu većem od 30% odobrenih sredstava.
- 7.1.8. Finansijski plan/Plan rashoda, koji se nalazi unutar prijavnog obrasca, treba biti detaljno razrađen po stavkama u suprotnom će se prijava smatrati formalno pravno – neispravnom.
- 7.1.9. U toku realizacije projekta bilo koja promjena adrese, broja telefona, faksa ili promjene kontakta, ovlaštene osobe ili broja računa kod banke, moraju se dostaviti u pisanoj formi Ministarstvu kulture i sporta Kantona Sarajevo, koje se neće smatrati odgovornim u slučaju da ne uspije kontaktirati aplikanta.
- 7.1.10. Projekat/program za čiju realizaciju su doznacena sredstva Ministarstva kulture i sporta KS mora da sadrži informaciju da je Kanton Sarajevo finansijski podržao realizaciju predmetnog programa/projekta na odgovarajućem vidnom mjestu, u svim verzijama i kopijama, kao i logotip Kantona Sarajevo.
- 7.1.11. Vlada Kantona Sarajevo po osnovu dodijeljenih finansijskih sredstava ima pravo da koristi informacije u vezi sa realizacijom projekta/programa u svrhu promocije Kantona Sarajevo. Korisnik se obavezuje da će u svim prilikama u kojima je moguće naglasiti ovu vrstu podrške u svojim promotivnim medijskim nastupima.

## **7.2. Postupak podnošenja prijava:**

7.2.1. Kriteriji, prijava i obrasci za učešće u Javnom pozivu za sufinansiranje projekata kulture sredstvima Ministarstva kulture i sporta Kantona Sarajevo za 2024. godinu objavljeni su i na web – stranici: [www.mks.ks.gov.ba](http://www.mks.ks.gov.ba), i mogu se preuzeti i popuniti isključivo u elektronskoj formi.

7.2.2. Prijavni obrazac popunjen elektronski (u Adobe Reader-u ili sličnom programu) i dostavljen u printanoj verziji (potpisan i ovjeren pečatom) sa pratećom dokumentacijom za sufinansiranje projekata kulture sredstvima Ministarstva kulture i sporta Kantona Sarajevo može se predati lično na Protokol Kantona Sarajevo ili putem pošte na adresu Ministarstvo kulture i sporta – sa naznakom: “Sektor kulture”, ulica Reisa Džemaludina Čauševića br. 1, 71000 Sarajevo. Formulari popunjeni ručno neće biti uzeti u razmatranje.

7.2.3. Sva dokumentacija podnesena na Javni poziv mora biti original ili ovjerena kopija kod nadležne općinske službe (Ne dostavljati dokumentaciju koja se ne traži u Javnom pozivu jer ista neće biti uzeta u razmatranje).

7.2.4. Svi dokumenti moraju biti isključivo na jednom od službenih jezika u BiH.

7.2.5. Dokumentacija se dostavlja istim redoslijedom kako je navedeno u Javnom pozivu i treba biti uvezana u cjelinu (jemstvenik, spiralno). Sve strane moraju biti numerisane (može i ručno zbog priloga koji se računaju u ukupan broj stranica), ispečaćene i potpisane od strane odgovornog lica za predstavljanje i potpisivanje.

7.2.6. Prijave razmatra Komisija za provođenje javnog poziva za dodjelu transfera neprofitnim organizacijama i pojedincima koju formira ministar.

7.2.7. Svaki član Komisije iz tačke 2.5. će biti isključen iz postupka dodjele sredstava ukoliko se utvrdi da je u sukobu interesa sa podnosiocem prijave.

7.2.8. Svako lice koje posjeduje dokaze o sukobu interesa između člana Komisije i podnosioca prijave na ovaj Javni poziv poziva se da iste dostavi Ministarstvu.

7.2.9. Svaki podnosilac prijave na ovaj javni poziv može podnijeti prigovor rukovodiocu organa u roku od sedam dana od dana dostave pismene obavijesti podnosiocu čija prijava nije prihvaćena za sufinansiranje i razlozima za odbijanje sufinansiranja projekta/programa. Prigovor se ne može podnijeti ako je prijava odbijena kao nepotpuna, neblagovremena ili neuredna.

7.2.10. Za sufinansiranje realizacije odobrenih projekata zaključuje se pojedinačni ugovor između primaoca finansijske podrške i Ministarstva kulture i sporta Kantona.

7.2.11. U toku perioda korištenja dodijeljenih sredstava, Ministarstvo zadržava pravo vršenja kontrole kako trošenja finansijskih sredstava, tako i praćenja predviđene dinamike projekta. Prilikom takvih kontrola, Korisnik je dužan osigurati uslove za njihovo provođenje.

U slučaju osnovane sumnje za nezakonito ili nenamjensko trošenje Ugovorom odobrenih sredstava Ministarstvo zadržava pravo da pokrene proceduru angažovanja budžetske inspekcije Kantona Sarajevo ili drugog nadležnog organa ili tijela.

7.2.12. Primaoci finansijske podrške koji nisu dostavili narativni i finansijski izvještaj o utrošku sredstava za realizaciju odobrenih projekata u prethodnim godinama ne mogu biti prihvaćeni za sufinansiranje projekata u 2024. godini.

7.2.13. U slučajevima sumnje ili nejasnoća na sva pitanja koja nisu uređena ovim javnim pozivom odgovarajuće se primjenjuju odredbe Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj 22/21 i 13/22).

7.2.14. Javni poziv će biti otvoren za podnošenje prijava do 19. aprila 2024. godine.

7.2.15. Nepotpune i neblagovremene prijave neće biti razmatrane. Izuzetno, prijave za vanredne, važne projekte će se primati i razmatrati i nakon predviđenog roka Javnog poziva, a u granicama raspoloživih sredstava.

**Ministarstvo kulture i sporta**

**Kantona Sarajevo**